

# اسم الله المؤمن | الجزء الأول | الحلقة ( 10 ) | #إنه\_الله | د .

## حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رأيت الرزق لو تحس بالاختناق كل هم كله محزون كسير يحمل اما الكبير ليس غير الله يرجى. انه نعم النصر - [00:00:00](#)

السلام عليكم ورحمة الله وبركاته. هنتكلم النهاردة بازن الله سبحانه وتعالى عن اسم من اسماء بيعالج قضية من اخطر قضايا الحياة عند الانسان يا جماعة. يا جماعة كل مرضى الفوبيا كل مرضى نوبات الفزع والهلع - [00:01:00](#)

مرضى الرهاب. الاسم ده يهمهم اوي. كل انسان عايش على وجه الارض وسط المخاوف اللي محاطانا كلنا كل جهة الاسم ده يهمه اوي الاسم ده بيعالج مشاكل ويحل مشاكل كثير اوي في حياتنا. وبيرد على تساؤلات صعبة اوي اوي جوانا. وببيغير حاجات كثير - [00:01:30](#)

شخصيتنا وبيملى قلوبنا بمشاعر من الامن والامان. ما فيش اي حاجة في الوجود هتجيب بي المشاعر دي جوانا. غير اتصالنا بالله من خلال الاسم ده احنا ما نقدرش نعيش من غير الاسم ده يا جماعة ابدأ ابدأ. اسم بيعالج مشكلة الخوف اللي مدمرة حياة ناس - [00:01:52](#)

كثير قوي كم واحد الخوف شل حياته؟ كم واحد الخوف دمر حياته؟ كم واحدة ماتت بسبب الخوف كم واحد اصيب بالسرطان بسبب الخوف؟ هنتكلم عن اسم الله المؤمن. هنتكلم عن اسم ما نقدرش نعيش من غيره من غير اسم الله المؤمن مستحيل نقدر نعيش يا جماعة. الحياة من غير اسم الله المؤمن كلها نوبات هلع. وفزع - [00:02:12](#)

اوف وقلق وتوتر. الحياة من غير اسم الله المؤمن. الحياة كلها تحت التهديد. مين اللي يقدر يعيش مهدد؟ مهدد في رزقه ومهدد في حياته مهدد في ولاد ومهدد في مستقبله الحياة من غير اسم الله المؤمن بلا ملجأ ولا حصانة وما فيش حد تقدر تستجير به - [00:02:42](#)

لو حد جه يظلمك او يأزيك. الانسان من غير اسم الله المؤمن. مرعوب من المفاجآت. هتبقى الحياة كلها مفاجآت. هيبقى من غير اسم الله المؤمن ما فيش قواعد ولا قوانين سابتة لاي شيه في الحياة ولا في جسمك ولا في الكون ولا في الفلك من غير الاسم ده. هنتكلم عن - [00:03:02](#)

اسم الله المؤمن. انتم تعرفوا ان الاسم ده يا جماعة. احنا بنتوسل لربنا به كل يوم سبعتاشر مرة. سبعتاشر مرة بنرفع ايدينا في سبعتاشر ركعة فريضة اللي بنصليهم وبنقول يا رب - [00:03:22](#)

يا مؤمن امانا مما نخاف يا مؤمن يا مؤمن اصرف عنا الهلع والفزع يا مؤمن املأ صدورنا بالسلام النفسي والامن والامان يا مؤمن انا انا عارف الوقت ان فيه كثير بيقولوا لي استنى بس استنى انت قصدك اسم الله الهادي. هو ده اللي توسل لربنا به سبعتاشر مرة في اليوم - [00:03:35](#)

واحنا بنقول اهدنا الصراط المستقيم. هقول لك واسم الله المؤمن برضو بعد ما بنقرأ سورة الفاتحة كلنا بنقول ايه؟ امين تعرفوا يا امة محمد ان فيه مفسرين وفيه علماء لغة. قالوا ان كلمة امين دي من مادة امانا. يعني من - [00:03:55](#)

زمان يعني بنقول يا رب امانا طب واحنا خايفين من ايه؟ طب احنا بعد ما قرأنا الفاتحة مرعوبين وعندنا احساس بالخوف الشديد

وعايزين الامان ليه ؟ ليه؟ لان بعد ما ربنا قال اهدنا الصراط المستقيم. في اخر السورة ربنا قال على طريق ربنا غير المغضوب عليهم  
ولا الضالين. فالله سبحانه - [00:04:15](#)

تعالى بين ان فيه مليارات يا رب دخلوا الطريق ده وبعد ما دخلوا طريق ربنا. وبعد ما مشيوا في طريق ربنا. وبعد ما كانوا بقوا  
متدينين في طريق ربنا رجعوا سابوا الطريق - [00:04:35](#)

فربنا غضب عليهم. وفيه مليارات تانيين دخلوا الطريق. ما خرجوش منه بس تأهوا جواه. وعودوا حوادث جانبية في البدع  
والضلالات من جوة الطريق فبقوا ضالين. فربنا لما عرفنا الحقيقة ديت بقينا واقفين مرعوبين يا رب. يا رب طريقك ده الطريق الوحيد  
للفردوس - [00:04:48](#)

الاعلى. يا رب طريقك ده الطريق الوحيد للسعادة والنجاح في الدنيا وفي الآخرة. يا رب طريقك ده الطريق الوحيد للنظر لوجهك. في  
الآخرة يا رب يا رب احنا ما عندناش - [00:05:08](#)

طريق خير يا رب ده طريق النجاة الوحيد. يا رب فيه مليارات دخلوا وضاعم! طب طب قابلنا يا رب! امين. كانك انت لما عرفت  
المعلومة دي بقيت عامل زي واحد جاي يسافر في طريق لقي مليون عربية والعة ومقلوبة في الطريق فبقى مرعوب. طب انا انا انا  
ازاي اعدى انا الطريق من غير - [00:05:18](#)

العربية بتاعتي تتقلب. واحد نازل بحر ولقى مليون جسة طافية. قال لهم دول مين ؟ قالوا له دول كانوا بيحاولوا ان هم يعدوا البحر  
وغرقوا فبقى بيقول يا رب امين امين ان انا اعرف اعدى من البحر ده. من غير ما اغرق. انتم متخيلين يا جماعة معنى امين. بعد  
سورة الفاتحة ازاي ان احنا - [00:05:38](#)

بتوسل لربنا باسم الله المؤمن. سبعتاشر مرة في اليوم. يعني من الاخر انت زي ما انت ما تقدرش تعيش من غير اسم الله الهادي. ما  
تقدرش تعيش من غير اسم الله - [00:05:58](#)

مؤمن الحياة مش هتبقى لها طعم. الحياة هتبقى كلها هلع وفزع. بس في البداية هو الخوف مشكلة خطيرة للدرجة دي هو الخوف يا  
جماعة ده مشكلة كبيرة قوي عند الانسان. لدرجة انها تستاهل ان ربنا يجعل اسم كامل من اسمائه الحسنى. عشان المشكلة دي بالزات  
عشان الخوف اللي جواك - [00:06:08](#)

عشان الهلع اللي جواك عشان الفزع اللي جواك هو هو الحياة من غير امن آآ تساوي ايه الموت احسن من ان الواحد عيش حياة من غير  
امن. قضية الامن والامان قضية كبيرة قوي في حياة الانسان - [00:06:27](#)

كلنا سمعنا عن شركات التأمين. التأمين يقول لك التأمين على السيارات. التأمين على الحياة. التأمين على الارواح. التأمين على ما  
ينفعش ما ينفعش تشتري عربية وما تأمنش عليها ما ينفعش. ما ينفعش تبني مصنع وما تأمنش عليه. مش ممكن. ما ينفعش تشتري -  
[00:06:43](#)

فقرات وما تأمنش عليها. آآ الحياة مليانة اخطار. عقود التأمين يا جماعة دخلت في كل حاجة في الحياة. تسمع دلوقتي التأمين على  
الحياة. التأمين صحة. التأمين على جزء من جسمك من اعجب ما قرأت - [00:07:03](#)

ان ميسي لاعب الكورة المشهور لاعب كرة القدم عامل تأمين على رجليه يعني انا عايزك تستوعب الرقم بتسعميت مليون دولار. تأمين  
على رجليه بيكهام. عامل تأمين على رجليه بمية خمسة وتسعين مليون دولار. يعني لان رجليه دي مصدر مجده - [00:07:17](#)  
وشهرته وعزه وكل حاجة في الحياة فهو عايز يعيش في امان. فبالنسبة له رجليه دي لو حصل لها مشكلة كل حاجة في حياته  
ضاعت. الانسان الانسان عايز احس بالامن في كل حاجة. اه كريستيانو رونالدو عامل تأمين على رجليه بمية اربعة واربعين مليون  
دولار - [00:07:37](#)

قد ايه قضية الامن شاغلة الانسان؟ لو واحد بنى مصنع وما امنش عليه يتقال له انت مجنون انت ازاي ما تأمنش واحد صاحبي استاز  
كبير حد حبيبي استاز كبير في كلية الطب يا جماعة استاز عناية مركزة كبير في كلية الطب وفي واحد مسئول كبير - [00:07:54](#)  
يعني وشخصية كبيرة جدا يعني. آآ حصل له مشكلة آآ يعني صحية فجأة ونقلوه المستشفى وكان في حالة صعبة جدا. فصاحبي

بيقول لي اول ما جه مستشفى عرفت ان هو عنده مشكلة خطيرة في التنفس ولازم يتحط على جهاز تنفس صناعي. صديقي يعني

استاز العناية المركزة بيقول لي طبعاً يعني - [00:08:11](#)

نيمناه وحطيناه على تنفس صناعي وبيقول لي فضلت طول الليل جنبه عشان يدي له محاليل ويدي له ادوية في المحاليل لان حالته كانت خطر جدا. فالشخص المهم ده على اخر الليل بدأ يفوق. فيفتح عينه فلقى نفسه على جهاز تنفس صناعي بيفتح عينه ولقى

نفسه وسط اجهزة آآ وسط آآ - [00:08:31](#)

جت متركة له حاجات متوصلة له. كان هيدخل في نوبة هلع وفزع رهيبه. بيفتح عينه. لقي صاحبي ده استاز العناية المركزة في

وشه فبعد ما خرج بيقول له انا عمري ما هانسى لك ابدا - [00:08:51](#)

عمري ما هانسى ابدا لحزة لما فتحت عيني. ولقيتك قدام عيني. الامان اللي انا حسيت به في اللحزة دي انا عمري ما هانساه لك ابدا

اطلب اللي انت عايزه. انا انا مش هنسالك اللحزة دي ابدا. يعني الامن يا جماعة هو يعني هو من غير الامن - [00:09:05](#)

الحياة ما لهاش طعم قام منا يا رب منا يا رب امن روعتنا يا رب قضية الامن والامان. قضية من اخطر القضايا عند الانسان. ما فيش

طعم للحياة من غير امن. ما فيش طعم للزرية. ولو ولادك هم الاوائل على العالم في كل حاجة - [00:09:25](#)

ما فيش طعم للزرية من غير الامن والامان. ما فيش طعم للملك. والله لو واحد ملك على العالم كله مش عايش في امان ما فيش طعم

من غير ما يكون الانسان عايش في امن وامان. ما فيش طعم لاي حاجة. عشان كده قضية الخوف وقضية الامن - [00:09:43](#)

مش بس على مستوى الافراد. ده على مستوى الدول يا جماعة. ما فيش دولة في العالم ما عندهاش مجلس للامن القومي انتم يعني

يعني تتخيلوا ان امريكا وصلت للتفكير في الامن القومي ان وكالة ناسا مرعوبة من هجوم فضائي على الارض - [00:10:00](#)

هو ربنا خلق الانسان كده يا جماعة ما تستغربوش الانسان خايف من كل حاجة وخايف على كل حاجة. مش هو ده قول الله. ان

الانسان خلق هلوعا خلق دي في خلقته ده في الخلقة اللي ربنا اداها لك. يعني الخوف ده حاجة مخلوقة جوة الانسان. ربنا خلقها جوة

الانسان. يعني زي ما في هرمون - [00:10:19](#)

نشاط اسمه الكورتيزون لما يفرز تلاقي نفسك نشيط. آآ جسمك مليان هرمونات بتتحكم في مشاعرك وزى ما في هرمون للحب

بيسميه العلماء هرمون الحزن. النفسية عايزة حزن. هرمون الاحتواء. اسمه الاكسيتوسن. وزى ما فيه هرمون للسعادة - [00:10:42](#)

ربنا يكثره كده في اجسام المسلمين والمؤمنين يا رب. اسمه الدوبامين والسيروتونيين لما تقرا قرآن تلاقي نفسك سعيد ليه

الدوبامين بيزيدوا في قرآية القرآن وفي ذكر الله كذلك في هرمون للخوف جواك. اسمه الادرينالين. بس ربنا خلق - [00:10:59](#)

جواك مش عشان الخوف السلبي لأ ده عشان الخوف الايجابي. مش عشان الخوف اللي بيدمر حياتك وبيشيل لك ده عشان الخوف

اللي بيعمر حياتك لولا ان الانسان بيخاف على ابنه يا جماعة. لولا الخوف من الامتحان. لولا الخوف من انك انت تسقط. ما كانش

الانسان قدر يعيش اصلاً - [00:11:19](#)

اذا كان نجح في حاجة بس فيه خوف دافع للعمل وخوف دافع للشلل فيه خوف بيعمر وفيه خوف بيدمر ربنا سبحانه وتعالى اراد

منك الخوف الايجابي ولكن الخوف السلبي اللي عاد مالي الحياة. الفوبيا بكل انواعها. الرهاب. نوبات الفزع. الخوف اللي دمر وشل

حياة الناس ده - [00:11:37](#)

مراد ربنا منك عشان كده ربنا سمى نفسه المؤمن عشان يعالج عندك قضية الخوف اللي مدمر حياتك قضية قضية ان الانسان نفسه

في الامن والامان. القضية دي مسيطرة على العالم كله يا جماعة هو روسيا والصين وامريكا بيتحاربوا ليه - [00:12:00](#)

غير عشان قضية الامن القومي احساس الشعوب بالامان ده مطلب ما فيش شعب يقدر يعيش من غيره. هو دول العالم بتعمل

تحالفات بينها وبين بعضها ليه ؟ غير عشان حماية امنها القومي - [00:12:20](#)

امريكا صرفت في سنة واحدة على الامن القومي بتاعها تسعميت مليار دولار روسيا في سنة واحدة صرفت ميت مليار دولار عشان

الامن القومي اسم الله المؤمن بيعالج ظواهر خطيرة في حياة الناس - [00:12:34](#)

في ناس عندها توتر لدرجة انها بتخاف تركب طائرة فيه ناس بتخاف من الاسانسير. فيه ناس بتخاف من الاماكن المقفولة. فيه

ممسلة امريكية مشهورة جدا عندها فوبيا من الاماكن المغلقة وصلت لدرجة ان يبجي لها بانك قتاك - [00:12:54](#)

النوم اتفزع لما تركب عربية او لو العربية اللي ركبته الازاز بتاعها مقفول ويبجي لها نوع من انواع التشنج. يعني سبحان الله نسأل الله العفو والعافية عدد انواع الفوبيا في المراجع العلمية فوق الخمسميت نوع. يقول لك فوبيا الاماكن المغلقة. فوبيا الظلام فوبيا ركوب الطائرة. فوبيا انك تبقى في - [00:13:08](#)

لوحذك عشان كده اول صفة للصالحين في القرآن الذين يؤمنون بالغيب عارف يعني ايه كلمة يؤمنون؟ يؤمنون من الايمان. ايوة. انت عارف ان الايمان ده من مادة انا في النفس مادة امين اللي بعد سورة - [00:13:28](#)

الفاحة يعني الامان ده من الايمان. يعني الايمان انك تبقى امن رغم ان كل الاسباب ضدك. عشان كده دي اول صفة من صفات اهل الجنة في القرآن الذين يؤمنون بالغيب. يعني واحد ما فيش في جيبه فلوس. بس هو قاعد في امان بما في خزائن - [00:13:46](#) واحد آآ ما فيش آآ معه غير اسلحة بسيطة بس هو بيحارب اعنى قوة على وجه الارض. لانه عنده امان بقوة الله وقوة جنود الله

وقوة ملائكة الله عشان كده كلمة - [00:14:06](#)

الخوف دمر حياتي كلمة مشهورة اوي وبنسمعها كتير اوي وبتبجي لنا في مشاكل كتير اوي معاني اسم الله المؤمن ايه يا جماعة؟

يعني ما دام الاسم ده مهم اوي كده يعني يعني سبحان الله يا جماعة يعني رغم ان اسم المؤمن لم يذكر الا مرة - [00:14:22](#)

واحدة بس في القرآن مرة واحدة بس في خواتيم سورة الحشر طبعاً هو الله الذي لا اله الا هو الملك القدوس السلام المؤمن. وخذوا بالكم انه جه مع السلام لان الامان والسلام هم - [00:14:41](#)

احتياجات للناس في الحياة. رغم ان اسم الله المؤمن لم يذكر الا مرة واحدة في القرآن. الا ان الاسم ده له معاني كتير اوي اوي

اوي. يعني انا هكلمكم عن عشر معاني لاسم الله المؤمن. عشر معاني بس من من المعاني بتاعته. المعنى الاول - [00:14:58](#)

ركزوا معي اوي يا جماعة. لان احنا واحنا بنشرح اسم الله المؤمن اللي كلنا محتاجينه في زمن الرعب. في زمن في زمن الهلع في زمن الخوف في زمن ان الناس مش عارفة تنام من غير منومات ومهدئات. في زمن ان معزم الناس قعدت ماشية على المهدئات في حياتها. في زمن التقلب المزاج - [00:15:16](#)

قول والمفاجآت والناس مرعوبة من بكرة ومرعوبة من كل حاجة. ده اسم الله المؤمن اللي بيتكلم عن الامان. وعطاء الامان من الله.

وان الامان عطاء لدني ربنا هو اللي يقدر يممشيك. وانت امن في الحياة. نسمع معاني جبارة يا جماعة. هنسمع معاني هتغير حياتنا عن

اسم الله المؤمن. حاسس - [00:15:36](#)

بيغير لي حياتي وانا يعني يعني باشوف ايات اسم الله المؤمن انا لقيت نفسي واقف وباصلي ركعتين وبقول يا مؤمن اللهم امن

روعاتي يا مؤمن. لقيت الاحساس الاحساس ده جميل اوي لو ربنا اداه لنا. ايه معاني اسم الله - [00:15:56](#)

المؤمن المعنى الاولاني آآ واهب الاستقرار والامان لعموم البشر ده اول معنى. المعنى الثاني واهب الامن للصالحين. يعني مش لعموم

البشر بقى مواهب الامان لعموم البشر ده معنى الدنيا انما فيه معنى ثاني خاص بقى اللي هو المعنى الثاني اللي هو واهب الامان

لصالحين. المعنى الثالث - [00:16:16](#)

الذي يؤمنك من مخاطر الطريق اليه. اصل الطريق اللي ربنا مليون اخطار يا جماعة. الطريق اللي ربنا مليون شياطين ومليان مبتدعة

وملين ضلال ومليان ناس كتير قوي مش عايزاكي تبقي من اهل الجنة في الاخر - [00:16:43](#)

في ناس كتير واقفة لك على الطريق ده المعنى الرابع الذي لا تخاف من التغيرات والتقلبات معه. انا حاسس وانا باقول المعنى الرابع

ده ان فيه واحدة كده هتبص لجوزها وتبدأ تقول - [00:17:01](#)

لان فيه ناس متقلبة المزاج وانت قاعدة بتضحكي او انت بتضحك مع مراتك فجأة تلاقي فجأة تلاقي المود قلب وفجأة تلاقيه كشر

ايه يا عم في ايه احنا كنا كويسين انا غلظت انا عملت لك حاجة انا الحياة مع انسان متقلب القرارات - [00:17:15](#)

بالمزاج حياة لا تطاق يا جماعة. فمن معاني اسم الله المؤمن ان ما فيش مفاجآت وانت بتتعامل مع ربنا. يعني ربنا حاطط لك قوانين.

القوانين دي ما بتتغيرش. مش هتصحى بكرة الصبح تلاقي ربنا غضبان عليك من غير سبب. او - [00:17:35](#)

انما في واحدة ممكن تكون متجوزة واحد آآ راجع فجأة آآ ضارب مية وحداشر وضارب بوز. يا عم في ايه انا عملت لك حاجة! هي مش فاهمة اصلا السبب ايه - [00:17:51](#)

المعنى الخامس المير المشير تستجير بمين الا المؤمن سبحانه وتعالى. المعنى السادس مصدر الامان من التهديدات في الحياة ناس كتير اوي عايشة مهددة ناس كتير اوي عايشة تحت التهديد والحياة تحت التهديد في رزقك في شغلك - [00:18:01](#)  
ووطنك الحياة تحت التهديد حياة رعب زي اخوانا في فلسطين ربنا يحفظهم وينجيهم. انك عايش مهدد في اي لحزة دي حيالات نطاق يا جماعة. المعنى السابع مصدر الامان في القبر ويوم القيامة وفي الجنة. الجنة من غير اسم الله المؤمن اصلا ما حدش يقدر يعيش فيها - [00:18:21](#)

والقبر يا جماعة اكثر مكان مرعب في الدنيا كلها. المعنى الثامن الذي لا يخاف من اعدائه ولا يخاف على اوليائه. الله! الله! المعنى التاسع الذي يعطي الايمان ويؤيد الدعاة الى الايمان! يا فرحة - [00:18:43](#)

كل داعي الى الله باسم الله المؤمن. لان المؤمن هينصره طول ما هو بيدعو للايمان. المؤمن هيعرف الناس كلها انه صادق. وانه هو مسنود من الله. ما دام هو بيدعو للايمان المعنى العاشر والاخير. الامين الحافظ والثقة - [00:19:01](#)

معاني عشرة هنبدا نتكلم عنهم من اول الحلقة الجاية باذن الله سبحانه وتعالى. انا يا جماعة مش مستعجل خالص في اسم الله المؤمن. الاسم ده انا عايز منه وانت الخوف والهلع اللي جواك بقى امان. انا عايز نخرج منه وربنا مالي قلوبنا بالامن والامان من عنده. انا عايز ندعي ونقول يا مؤمن - [00:19:21](#)

امن قلوبنا من الخوف والفرع يا مؤمن يا مؤمن استر عوراتنا وامن روعاتنا. اللهم امن روعاتنا. اللهم املاً صدورنا بالامن والامان. اللهم املاً قلوبنا بالامن والامان. اللهم امنا انا نخاف يا مؤمن يا مؤمن اعزنا من ذل الخوف الا منك يا - [00:19:41](#)

تؤمن اللهم امنا مما نخاف في الدنيا وفي القبر ويوم القيامة برحمتك يا ارحم الراحمين رب العباد حبه هو خير زاد باسمه انا رأيت انه رب العباد لو تحس بالاختناق - [00:20:11](#)

كل هم واسع الرحمت هو خير زاد باسمه الكافي انه رب العباد - [00:20:52](#)